

სახელმწიფო შესყიდვების შესახებ

ხელშეკრულება N-43

ქ. თბილისი

იანვარი 2024 წელი

ერთის მხრივ წარმოდგენილი სსიპ - კიბერუსაფრთხოების ბიუროს (შემდგომში „შემსყიდველი“) დირექტორის ლუკა მგელაძის სახით და მეორეს მხრივ, შპს „ბენი მოტორსი“-ს (შემდგომში „მიმწოდებელი“) წარმოდგენილი მისი დირექტორის ილია იმედაშვილის სახით, სახელმწიფო შესყიდვების შესახებ კანონის და გამარჯვებული პრეტენდენტის შპს „ბენი მოტორსი“-ს სატენდერო წინადადების საფუძველზე, ელექტრონული ტენდერის (NAT230025907) ჩატარების შედეგად დაბენ წინამდებარე სახელმწიფო შესყიდვების შესახებ ხელშეკრულებას შემდეგზე:

1. ტერმინთა განმარტებები

- 1.1. „ხელშეკრულება სახელმწიფო შესყიდვების შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც დადასტურებულია კვალიფიციური ელ.ხელმოწერით ან კვალიფიციური ელ.შტამპით მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების დირეზულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე, თუ ხელშეკრულებით სხვა რამ არ არის გათვალისწინებული.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

2. სტანდარტები

- 2.1 მანქანების შეკეთება და ტექნიკური მომსახურება უნდა აკმაყოფილებდეს შემსყიდველის მოთხოვნებს, მომსახურება შესრულებული უნდა იყოს მაღალ დონეზე;

3. ხელშეკრულების საგანი

- 3.1 2024 წლის სახელმწიფო ბიუჯეტის დაფინანსების ფარგლებში სსიპ - კიბერუსაფრთხოების ბიუროს ბალანსზე რიცხული 3 ერთეული ავტოსატრანსპორტო საშუალების (TOYOTA LC 100, RENAULT LOGAN, MITSUBISHI pickup) შეკეთების და ტექნიკური მომსახურების შესყიდვა (CPV 50112000) დანართი N1-ის, დანართი N2-ის და დანართი N3-ის (პრეისკურანტის) შესაბამისად, რომელიც წარმოადგენს ხელშეკრულების განუყოფელ ნაწილს.

4. ხელშეკრულების ღირებულება

4.1 ხელშეკრულების ჯამური ღირებულება შეადგენს 24000 (ოცდაოთხი ათასი) ლარს დღგ-ს ჩათვლით.

4.2 პრეისკურანტის ღირებულება შეადგენს 114319.47 (ას ოთხთხემეტი ათას სამას ცხრამეტი ლარი და 47 თეთრი) ლარს.

4.3 ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურების გაწევასთან დაკავშირებულ მიმწოდებლის ყველა ხარჯს, საქართველოს კანონმდებლობით გათვალისწინებულ გადასახადებს.

5. შესყიდვის ობიექტის მიწოდების ვადა, ადგილი და პირობები

5.1 მომსახურება განხორციელდება ხელშეკრულებაზე ხელმოწერის დღიდან 2024 წლის 31 დეკემბრის ჩათვლით.

მომსახურების გაწევის ვადა თითოეულ შემთხვევაში არ უნდა აღემატებოდეს:

- სავალი ნაწილებისათვის არაუმეტეს 2 კალენდარულ დღეს,
- ელექტროობისათვის არაუმეტეს 2 კალენდარულ დღეს,
- აგრეგატებისათვის არაუმეტეს 4 კალენდარულ დღეს;
- ხანგრძლივი მომსახურების (ძრავი, ხიდი, სიჩქარეთა კოლოფი) გაწევის ვადა 15 კალენდარულ დღეს;
- სათადარიგო ნაწილის საზღვარგარეთ შეკვეთის შემთხვევაში მომსახურების გაწევის ვადა 30 კალენდარულ დღეს.

5.2 მიმწოდებელი ვალდებულია შემსყიდველის მიმართვის შემთხვევაში ჩაატაროს ავტომატური დათვალიერება, რის შემდგომაც მხარეები აღგენენ დეფექტურ აქტს, რომელშიც მითითებული უნდა იყოს გასაწევი მომსახურების (სერვისი სათადარიგო ნაწილების გათვალისწინებით) დეტალური აღწერა, მათი ღირებულებები, აგრეთვე მომსახურების დაწყებისა და დასრულების ვადები. თუ აღმოჩნდება, რომ მიმწოდებლის მიერ არ არის სრულყოფილად შესრულებული მომსახურება და/ან შეცვლილი ნაწილი აღმოჩნდა წუნდებული, მიმწოდებელი ვალდებულია აღმოჩენილი ხარვეზი აღმოფხვრას საკუთარი ხარჯებით. დეფექტურ აქტს შემსყიდველის მხრიდან ხელს აწერს წინამდებარე ხელშეკრულების 6.1 პუნქტით განსაზღვრული უფლებამოსილი პირი.

5.3 მიმწოდებელი ვალდებულია დეფექტურ აქტთან ერთად შეადგინოს ინვოისი წინამდებარე ხელშეკრულების დანართი N1, N2 და N3-ით გათვალისწინებული ფასების მიხედვით. ინვოისს შემსყიდველის მხრიდან ხელს აწერს წინამდებარე ხელშეკრულების 6.2 პუნქტით განსაზღვრული უფლებამოსილი პირი.

5.4 ავტოსატრანსპორტო საშუალების დაზიანებული ნაწილები უნდა შეიცვალოს ახალი (არამეორადი) მაღალი ხარისხის სათადარიგო ნაწილებით და საგარანტიო ვადა უნდა ვრცელდებოდეს შეცვლილ ნაწილზე არანაკლებ 6 თვე, გარდა ცვეთადი ნაწილებისა (სამუხრუჭე ხუნდები, ჰაერის, კონდიციონერისა და საწვავის ფილტრები).

5.5 თუ ხელშეკრულების მოქმედების პერიოდში აღმოჩნდება, რომ განფასების ცხრილში (პრეისკურანტში) არ არის გათვალისწინებული იმ მომენტისათვის საჭირო საქონელი (ნაწილები და საცხებ საპოხი მასალები) და მომსახურება, აღნიშნული ერთეულ(ებ)ის ფასი, მისი შესყიდვის აუცილებლობისას, დგინდება მხარეთა შორის შეთანხმებით, საბაზრო ფასის გათვალისწინებით. ასეთ შემთხვევაში პრეისკურანტში საქონლის რომელიმე ერთეულ(ებ)ის არარსებობით გამოწვეული შესყიდვის ხვედრითი წილი არ შეიძლება აღემატებოდეს მიმწოდებლის მიერ ელექტრონული ვაჭრობის შედეგად დაფიქსირებული პრეისკურანტის საბოლოო ჯამური ღირებულების 10%-ს.

6. ხელშეკრულების შესრულების კონტროლი

6.1 ხელშეკრულების 5.2 და 7.1 პუნქტების შესრულების კონტროლს განახორციელებენ სსიპ - კიბერუსაფრთხოების ბიუროს ადმინისტრაციული დეპარტამენტის საფინანსო და სახელმწიფო შესყიდვების სამმართველოს უზრუნველყოფის მენეჯერი დავით გიგინეიშვილი და ბიუროს შტატგარეშე მოსამსახურე (მძღოლი) ლევან კეწელაშვილი, რომლებიც პასუხისმგებელი არიან ავტოსატრანსპორტო საშუალებების გამართულ ფუნქციონირებაზე.

6.2 წინამდებარე ხელშეკრულების შესრულების კონტროლს განახორციელებს სსიპ - კიბერუსაფრთხოების ბიუროს ადმინისტრაციული დეპარტამენტის საფინანსო და სახელმწიფო შესყიდვების სამმართველოს უზრუნველყოფის მენეჯერი დავით გიგინეიშვილი.

6.3 შემსყიდველი ორგანიზაცია უფლებამოსილია აწარმოოს მომსახურების გაწევის (სერვისი სათადარიგო ნაწილების გათვალისწინებით) ხარისხის ინსპექტირება ხელშეკრულების მოქმედების ნებისმიერ ეტაპზე.

6.4 შემსყიდველი ვალდებულია ოპერატიულად, წერილობითი სახით, აცნობოს მიმწოდებელს საბოლოო შემოწმების შედეგი, დაწუნებული მომსახურების ნაწილის და წუნდების მიზეზის მითითებით. შემსყიდველს უფლება აქვს მოსთხოვოს მიმწოდებელს გამოვლენილი ხარვეზის გამოსწორება დამატებითი ანაზღაურების გარეშე, მიმწოდებელი ვალდებულია საკუთარი ხარჯებით (სატრანსპორტო საშუალებების ჩათვლით) უზრუნველყოს აღნიშნული ხარვეზის აღმოფხვრა, გამოვლენიდან არაუგვიანეს 2 (ორი) კალენდარული დღის ვადაში ან/და უმოკლეს გონივრულ ვადაში.

7. შესყიდვის ობიექტის მიღება-ჩაბარების წესი

7.1 გაწეული მომსახურების შემდეგ ფორმდება შესრულების აქტი, რომელსაც შემსყიდველის მხრიდან ხელს აწერენ წინამდებარე ხელშეკრულების 6.1 პუნქტით განსაზღვრული უფლებამოსილი პირები;

7.2 „მომსახურების“ მიღება ფორმდება ფაქტიურად გაწეული მომსახურების საბოლოო მიღება-ჩაბარების აქტით, წინამდებარე ხელშეკრულების 6.2 პუნქტით განსაზღვრული პირის და მიმწოდებლის უფლებამოსილი წარმომადგენლის ხელმოწერით.

8. ანგარიშსწორების ფორმა, ვადები და პირობები

8.1. ხელშეკრულების საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

8.2 ანგარიშსწორება განხორციელდება უნაღლო ანგარიშსწორებით ეროვნულ ვალუტაში.

8.3 ანგარიშსწორება შემსყიდველსა და მიმწოდებელს შორის იწარმოებს ფაქტიურად გაწეული მომსახურების შესაბამისად, მხარეთა შორის გაფორმებული მიღება-ჩაბარების აქტის და კანონმდებლობით გათვალისწინებული დოკუმენტაციის საფუძველზე.

8.4 მიმწოდებელთან ანგარიშსწორება განხორციელდება მიღება-ჩაბარების აქტზე შემსყიდველის მიერ ხელმოწერიდან 10 (ათი) სამუშაო დღის განმავლობაში.

8.5. წინასწარი ანგარიშსწორება არ გამოიყენება.

9. პირგასამტეხლო ხელშეკრულების პირობების შეუსრულებლობისათვის

9.1 ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეებს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0.02%-ის ოდენობით.

9.2 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 1 (ერთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

9.3 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისგან.

10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4. ხელშეკრულების ერთ-ერთი მხარის მიერ პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.5 ხელშეკრულების ერთ-ერთი მხარე მე-12 პუნქტით გათვალისწინებული გადაწყვეტილების მიღების შემთხვევაში ვალდებულია არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს აღნიშნულის შესახებ.

11. დაუძლეველი ძალა

11.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

11.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს

მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

11.3 მხარეთა პასუხისმგებლობა და ვალდებულებები განახლება დაუძლეველი ძალის მოქმედების დასრულებისთანავე.

12. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

წინამდებარე ხელშეკრულება ძალაში შედის მხარეების მიერ კვალიფიციური ელ.ხელმოწერით ან კვალიფიციური ელ. შტამპით დადასტურებიდან და მოქმედებს 2025 წლის 31 იანვრის ჩათვლით.

14. დასკვნითი დებულებები

14. ხელშეკრულება შედგენილია ელექტრონული ფორმით ქართულ ენაზე.

შემსყიდველი

მიმწოდებელი

სსიპ კიბერუსაფრთხოების ბიურო

მის: ქ.თბილისი, ც.დადიანის ქ. N30

ს/კ 200280622

შპს. „ბენი მოტორსი“

ს/კ 402109525



დირექტორი

ლუკა მგელაძე

„საქართველოს ბანკი“ ბ/კ: BAGAGE22

ა/ა: GE22BG0000000103284656

დირექტორი

ილია იმედაშვილი